



## ღვანულმოსილი მეცნიერი და საზოგადო მოღვაწის - გიორგი შუბლაძის ხსოვნა

სამეცნიერო საზოგადოებამ მძიმე დანაკლისი განიცადა.

გარდაიცვალა ღვანულმოსილი მეცნიერი და საზოგადო მოღვაწე საერთაშორისო ჟურნალ „ეკონომიკის“ სარედაქციო კოლეგიის წევრი, ეკონომიკურ მეცნიერებათა დოქტორი, პროფესორი გიორგი შუბლაძე.



გიორგი შუბლაძე დაიბადა 1934 წლის 15 მაისს ჩხორი-წყეს რაიონის ს. ახუთში. 1952 წელს დამთავარა ამავე სოფლის საშუალო სკოლა და ჩაირიცხა თბილისის სახელმწიფო უნივერსიტეტის ეკონომიკურ ფაკულტეტზე. იგი წარჩინებით დაასრულა 1957 წელს. ამავე წლიდან 1964 წლამდე მუშაობდა საქარველოს ვაჭრობის სამინისტროს სისტემაში. 1964-1968 წწ. იყო ასპირანტი დაუსწრებლად. 1968 წელს დაცვა საკანდიდატო, 1990 წელს სადოქტორო დისერტაცია. 1976-1991 წლებში იყო სახალხო მოხმარების საქონელზე მოთხოვნისა და ვაჭრობის კონიუნკტურის შემსწავლელი სამეცნიერო-კვლევითი ინსტიტუტის საქართველოს ფილიალის დირექტორი. 1990 წელს მიენიჭა პროფესორის წოდება.

1961- 2018 წლებში სხვადასხვა დროს იგი მოღვაწეობდა საქართველოს რიგ უმაღლეს სასწავლებლებში: ივ. ჯავახიშვილის სახელობის თბილისის სახელმწიფო უნივერსიტეტში, თბილისის საერთაშორისო ეკონომიკურ ურთიერთობათა ინსტიტუტში და ა. შ.

გიორგი შუბლაძე იყო მრავალი მაგისტრის, მეცნიერების კანდიდატის ხარისხის მაძიებლის, დოქტორანტის სამეცნიერო ხელმძღვანელი, უმაღლესი სკოლის მრავალი სახელმძღვანელოს ავტორი და თანაავტორი . მის მიერ გამოქვეყნებულია 150-ზე მეტი სამეცნიერო ნაშრომი, მათ შორის 10-ზე მეტი მონოგრაფია და 20-მდე სახელმძღვანელო საქართველოში და საზღვარგარეთ. იგი ითვლება მარკეტინგისა და მენეჯმენტის გამორჩეულ სპეციალისტად საქართველოში. არის მრავალი სამეცნიერო ღონისძიების მონაწილე ქვეყნის შიგნითა და უცხოეთში.

მისი შრომები ეძღვნება ვაჭრობის, წარმოებისა და მოხმარების კავშირების, ბიზნესისა და მენარმეობის, საბაზრო ეკონომიკის, მარკეტინგისა და მენეჯმენტოს პრობლემებს.

გიორგი შუბლაძე აქტიურად მონაწილეობდა საზოგადოებრივ ცხოვრებაში, სამეცნიერო ღონისძიებებში. იგი იყო ჟურნალ „ეკონომიკის“ სარედაქციო კოლეგიის აქტიური წევრი, სადისერტაციო და სამეცნიერო საბჭოების წევრი სხვადასხვა უმაღლეს სასწავლებლებში.

გიორგი შუბლაძეს საზოგადოება იცნობს როგორც აქტიურ მოქალაქეს, რომელიც მთელი თავისი ენერგიით ემსახურებოდა ახალგაზრდა კადრების აღზრდის, მეცნიერების საქმეს, იყო სამშობლოს კეთილდღეობის სამსახურში. იგი იყო გულსხმიერი მეგობარი, პედაგოგი, კეთილშობილი მოქალაქე .

სამეცნიერო - პედაგოგიურ საქმიანობაში და საზოგადოებრივ მოღვაწეობაში წარმატებულ საქმიანობისათვის გი-

ორგი შუბლაძეს მიღებული ჰქონდა სხვადასხვა ჯილდო, მათ შორის: ღირსების ორდენი, შრომის ვეტერანის მედალი, მედალი “შრომითი მამაცობისთვის”, თსუ ივანე ჯავახიშვილის სახელობის მედალი. გიორგი შუბლაძის ხსოვნა დიდხანს დარჩება მისი ახლობლებისა და ყველა ნაცნობის გულში.

**მეგობართა ჯგუფი:**

ნ. ბაკურაძე, გ.ბედიანაშვილი, თ. ბერიძე,  
ნ. ბესელია, რ. გოგოხია, ო.ველიაშვილი,  
ნ. თოდუა, დ. იაკობიძე, რ. კაკულია,  
ჯ. კახნიაშვილი, პ. ლემონჯავა, გ. მალაშხია,  
ე. მექვაბიშვილი, მ. მირიანაშვილი,  
მ. ნანიტაშვილი, ვ. პაპავა, ნ. პაიჭაძე, ს. სანაძე,  
ა. სილაგაძე, ა. სიჭინავა, დ. სიჭინავა, გ. ლალანიძე,  
რ. შენგელია, ო. შურღაია, დ. ჩომახიძე,  
ნ. ჭითანავა, მ. ჯიბუტი, რ. ჯავახიშვილი და სხვ.